



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Praxis Cvræ Pastoralis Præcipve Circa Repentina &  
Generaliora**

**Possevino, Giovanni Battista Bernardino**

**Coloniæ Agrippinæ, 1645**

Nullus sine approbatione Confessiones audire potest, ne puerorum  
quidem.

**urn:nbn:de:hbz:466:1-42220**

nus esse possit (is verò in sincera vitæ emenda-  
tione positus est) neue in tanti ponderis nego-  
cio cum propriæ conscientiæ summo onere cō-  
tientem non adhibuisse diligentiam videan-  
tur (id quod summopere timendum est multis,  
ne scilicet in grauem reprehensionem incide-  
re eorum industria, cùm de tanto numero con-  
tentum, tam exiguam emendationem videa-  
nus in ijs, qui toties, & tam multis ab hinc an-  
nis hoc Sacramentum frequentarunt) præce-  
ptiones, & admonitiones nostras omnes iam  
pridem diuersis temporibus hac de re datas in  
vnum contulimus, atque alias quasdam ijs ad-  
iunximus, quas in hunc finem utiles, & necessa-  
rias esse sumus arbitrati. Quamobrem per vi-  
scera misericordię Domini Nostri IESV C H R I-  
STI eos exhortamur, ut quemadmodum eorum  
officium, & vocatio requirit, hac in causa, &  
negotio, quod ad animarum salutem usque  
idè pertinet, summa cum diligentia nostræ  
sollicitudini cooperari velint, nostramque in-  
tentionem in eo positam, ut populus Christia-  
nus, quem Dominus nobis regendum tradidit,  
in viam salutis commodè dirigatur, promouere  
pro sua virili studeant.

*Nullus sine approbatione Confessiones audire  
potest, ne puerorum quidem.*

Nullus igitur neque sacerdos, neque regu-  
laris Sacerdos Pœnitentiæ Sacramentum aggre-  
di præsumat, si nō approbationem, & licentiam  
antea nostrā in scriptis habeat, ut rite Concilium  
Tridentinum ordinavit; sin aliter fecerit, ex-  
communicationis pœnam ipso facto, iuxta primi

Conciliij nostri Prouincialis decretum, incurrisse se nouerit. & si sacrum Missæ officium postea celebreret, irregularis erit.

Caveat autem sibi quisque hac in re, ne prætextu minoris ætatis, se abduci à recto patiatur, quasi pueri sint, qui nondum ad usum rationis peruenient, quorum audit confessiones: solet enim usu venire, ut in pueris etiam, quamvis in ætate sint adhuc tenera, peccata mortalia inueniantur. Ac vero nemo per speciem necessitatis alicuius se falli sinat, ac necessitatem interpretetur pro quauis ægritudine, etiam si grauis, & periculosa illa sit, cum ad proprium pastorem, aut alium confessarium à nobis approbatum recurri potuisset. Immò nullos huic se negotio pergam interponere, quamvis à pastore eius, qui confiteri cupit, vel Vicarijs nostris consensum obtinuerit, nisi tales ij sunt, qui specialem à nobis acceperint potestatem, ut eam alteri concedere deinde possint.

Sacerdotes autem, qui confessiones audiendi licentiam à nobis obtinuerint, cum definita temporis, loci, certarumque personarum limitatione, videant, ne potestatis concessæ limites ullo modo excedant.

#### *Confessariorum Catalogus.*

Prima cum opportunitate regularium Superiorum catalogum confessariorum, quos ad hoc officium elegerint, quiue in hac ciuitate, vel diecesi nostra habitant, nobis exhibeant, quo eorum nomina, cognomina, & natale solum habeantur.

Sed